



吳者棋讀書

李
此
三
者
注

本草三家合註卷六

臨汾郭汝驄小陶集註


天津袁浩養源閣定

宛平李佐堯小亭校勘

本經下品


附子氣味辛溫有大毒主治風寒欬逆邪氣寒濕痿
痺拘攣膝痛不能行步破癥堅積聚血瘕金瘡

張隱菴曰附子稟雄壯之質具溫熱之性故有大
毒本經下品之藥大毒有毒者居多素問所謂毒
藥攻邪也夫攻其邪而正氣復是攻之卽所以補



之附子味辛性溫。生於彰明。赤水是稟大熱之氣。而益太陽之標陽。助少陽之火熱者也。大陽陽熱之氣不循行於通體之皮毛。則有風寒欬逆之邪。氣附子益太陽之標陽。故能治也。少陽火赫之氣不遊行於肌關之骨節。則有寒濕踈痺拘攣膝痛不能行步之證。附子助少陽之火熱。故能治也。癥堅積聚。陽氣虛而寒氣內凝也。血瘕乃陰血聚而爲瘕。金瘕乃刀斧傷而潰爛。附子具溫熱之氣。以散陰寒。稟陽人之氣。以長肌肉。故皆治之。

經云。草生五色。五色之變。不可勝視。草生五味。五



味之美不可勝極。天食人以五氣，地食人以五味。故在天味宜，司歲備物在地利，有五方五土之宜。附子以產彰明赤水者爲勝，蓋得地土之專精。夫太陽之陽，天一之水也。生於膀胱水府，而彰明於上少陽之陽，地二之人也。生於下焦之火，而赤日行天，據所出之地曰彰明曰赤水。蓋亦有巧符者矣。學者欲知物性之精微，而五方生產之宜與先聖命名之意，亦當體認毋忽也。○今陝西亦時植附子，謂之西附，性辛溫而力稍薄，不如生於川中者土厚而力雄也。又今藥肆中零賣製熟附子，皆



西附之類。蓋川附價高。市利者皆整賣。不切片。賣用者須知之。

凡人火氣內衰。陽氣外馳。急用炮熟附子助火之。原使神機上行而不下。殞環行而不外脫。治之於微。奏功頗易。奈世醫不明醫理。不識病機。必至豚脫厥冷。神去魄存。方謂宜用附子。夫附子治病者。也。何能治命。甚至終身行醫。而終身視附子爲蛇蝎。每告人曰。附子不可服。服之必發狂。而九竅流血。服之必發火。而癰毒頓生。服之必內爛五藏。今年服之。則年毒發。嗟嗟。以若醫而遇附子之證。何

以治之肯後利輕名而自謝不及乎。肯自居庸淺而薦賢以補救乎。必至今日藥之明日藥之神氣已變然後覆之。斯時雖有仙丹莫之能救。賢者于此或具熱衷不忍立視其死。間投附子以救之。投之而效功也。投之不效亦非後人之過。前醫惟恐後醫奏功祇幸其死。死後推過謂其死由飲附子而死。噫若醫而有良心者乎。醫不通經旨牛馬而襍裾醫云乎哉。○如用附子本身有一兩餘者方爲有力。側子分兩須除去土人欲增分兩用木杯將側子敲平于上。故連側子重一兩五六錢者方



好土人又恐南方得種。生時以戎鹽醃之。然後入
杯敲平。是附子本無鹹味。而以鹽醃之。故鹹也。製
附子之法。以刀削去皮臍。剖作四塊切片。用滾水
連泡二次。去鹽味毒味。晒半燥。于銅器內炒熟。用
之。蓋上古司歲備物。火氣司歲則備溫熱之藥。經
曰。司歲備物。專精者也。非司歲備物。氣散者也。後
世。能如上古之預備。故有附子火泡之說。近世
皆以童便煮之。乃因訛傳訛。習焉不知其非耳。
陳修園曰。素問。以毒藥攻邪。是回生妙手。後人
立補養等法。是模稜巧術。究竟攻其邪。而正氣復。

是攻之所以補之也。附子味辛氣溫。火性迅發。無所不到。故爲回陽救逆第一品藥。本經云風寒。欬逆邪氣。是寒邪之逆于上焦也。寒濕痿痺拘攣膝痛不能行步。是寒邪着于下焦筋骨也。癥堅積聚血瘀。是寒氣凝結。血滯于中也。攷大觀本草。欬逆邪氣。句下有溫中金瘡四字。以中寒得煖而溫。血肉得煖而合也。大意上而心肺。下而肝腎。中而脾胃。以及血肉筋骨營衛。因寒濕而病者。無有不宜。卽陽氣不足。寒自內生。大汗大瀉大喘。中風卒倒等症。亦必仗此大氣大力之品。方可挽回。此本經

言外意也。○又曰附子主寒濕諸家俱能解到而仲景用之則化而不可知之謂神且夫人之所以生者陽也。亡陽則死。亡字分二字一無方切音忘逃也。卽春秋傳出亡之義也。一微夫切音无無也。論語亡而爲有。孟子問有餘曰亡矣之義也。誤藥大汗不止爲亡陽如唐之幸蜀仲景用四逆湯眞武湯等法以迎之。吐利厥冷爲亡陽如周之守府仲景用通脈四逆湯薑附湯以救之。且太陽之標陽外至而發熱。附子能使之交于少陰而熱已。少陰之神機病。附子能使自下而上而脈生。周行通

達而厥愈合苦甘之芍草而補虛合苦淡之苓芍而溫四元妙不能盡述。按其立法與本經之說不同。豈仲景之初見欬然本經謂氣味辛溫有大毒七字。仲景卽于此悟出附子大功用。溫得東方風木之氣而溫之至則爲熱。內經所謂少陰之上君火主之是也。辛爲西方燥金之味而辛之至則反潤。內經所謂辛以潤之是也。凡物性之偏處則毒偏而至于無可加處則大毒。因大毒二字知附子之溫爲至極。辛爲至極也。仲景用附子之溫有二法。雜于苓芍甘草中。雜于地黃澤瀉中。如冬日可

愛補虛法也。佐以薑桂之熱，佐以麻辛之雄。如夏
日可畏，救陽法也。用附子之辛，亦有三法。桂枝附
子湯，桂枝附子去桂加白朮湯，甘草附子湯，辛燥
以祛除風濕也。附子湯，芍藥甘草附子湯，辛潤以
溫補水臟也。若白通湯，通脈四逆湯，加人尿猪膽
汁，則取西方秋收之氣，保復元陽，則有大封大固
之妙矣。

天雄氣味辛溫，有大毒。主治大風寒濕痺，歷節痛拘
攣，緩急破積聚邪氣，金瘡強筋骨，輕健行。

張隱庵曰：天雄附子，水經主治時異，而旨則同。故

不加釋。

烏頭氣味辛溫有毒。主治諸風。風痺血痺。半身不遂。除寒冷。溫養藏府。去心下堅痞。感寒痠痛。

烏喙。氣味辛溫有大毒。主治中風惡風。洗洗出汗。除寒濕痺。欬逆上氣。破積聚寒熱。其注煎之名射罔殺禽獸。

張隱菴曰。烏喙雖亦名烏頭。實乃土附子也。性劣有毒。但能搜風勝濕。開頑痰。破堅積。治頑瘡。以毒攻毒。不能好。附子益太陽之標陽。助少陽之火熱。而使神機之環轉。用者辨之。

大黃氣味苦寒無毒主下瘀血血閉寒熱破癥瘕積聚留飲宿食蕩滌腸胃推陳致新通利水穀調中化食安和五藏

張隱菴曰大黃味苦氣寒色黃臭香乃肅清中土之劑也其性走而不守主下瘀血血阻氣血不和則爲寒爲熱瘀血行而寒熱亦除矣不但下瘀血血閉且致癥瘕積聚留飲宿食夫留飲宿食在于腸胃癥瘕積聚陳垢不清故又曰蕩滌腸胃以推陳致新夫腸胃和則水穀通利陳垢去則化食調中故又曰通利水穀調中化食也玉機真藏論云五

藏者皆稟氣於胃。胃者五藏之本也。胃氣安則五藏亦安。故又曰安和五藏。愚按大黃仰陽養陰有安和五藏之功。故無毒。而本經名曰黃良。但行洩太迅。下瘀破積。故別名將軍。而列於下品。○西北之人。土氣敦厚。陽氣伏藏。重用大黃。能養陰而不破洩。東南之人。土氣虛浮。陽氣外洩。稍用大黃。卽傷脾胃。此五方五土之有不同也。又總察四方之人。凡稟氣厚實。積熱留中。大黃能養陰而推陳致新。用之可也。若素稟虛寒。雖據證當用大黃。亦宜量其人而酌減。此因稟質之有不同也。至傷寒陽

明篇中三承氣湯皆用大黃。大承氣調胃承氣與芒消同用。所以承在上之火熱而調其腸胃使之下洩也。小承氣湯但用大黃不用芒消。所以行腸胃之燥結也。燥結行而陰陽上下內外皆和。令人不知傷寒精義初起但發散而消食。次則平胃而挨磨。終則用大黃以攻下。不察肌表經脈之淺深。不明升降出入之妙義。胸膈不舒。便謂有食。按之稍痛。更云有食。外熱不除。必絕其穀。腸虛不便。必下其糞處。方用藥。必至大黃而後已。夫稟質敦厚。或感冒不深。雖遭毒害。不卽殞軀。當一二日而愈。

者。必至旬日。當旬日而愈者。必至月餘。身愈之後。醫得居功。若正氣稍虛。或病邪猖獗。亦以此醫治之。此醫但知此法。鮮不至死。噫。醫所以寄死生。可以盲瞽不明者。而察秋毫之末。乎不思結網。但知羨魚。恥也。旁門管窺。居之不疑。耻更甚焉。

葉天士曰。大黃氣寒。稟八冬寒之水氣。入手太陽寒水小腸經。味苦無毒。得南方之火味。入手少陰心經。手少陽相火三焦經。氣味俱降陰也。濁陰歸六府。味厚則洩。兼入足陽明胃經。手陽明大腸經。爲蕩滌之品也。味厚爲陰。則入陰分。血者陰也。